



"Agram" Lider u osiguranju vozila

SARAJEVO - "Agram" je lider na tržištu osiguranja vozila u Hrvatskoj i BiH, izjavili su predstavnici uprava dvije bh. osiguravajuće kuće koje posluju u sklopu ovog koncerna.

Čelnici "Bosna - Sunce osiguranja" (BSO) Željko Pervan i "Euroherc osiguranja" Niko Krivić istakli su da na tržištu BiH "Agram" zauzima 16,85 odsto tržišta. Od toga BSO ima 9,84, a "Euroherc" 7,01 odsto. Na tržištu FBiH "Agram" zauzima 22,81 odsto, od čega na BSO otpada 13,32 odsto, a "Euroherc" 9,49 odsto. Oni su istakli da je u 2007. godini BSO postao lider u osiguranju vozila na tržištu BiH čime je srušena pedesetogodišnja dominacija osiguravatelja u državnom vlasništvu.

Pervan i Krivić su predstavili i novu poslovnu zgradu koncerna u Sarajevu u koju je uloženo oko 30 miliona KM, te novog potpredsjednik koncerna "Agram" Adnana Terzić, nekadašnjeg predsjedavajućeg Savjeta ministara BiH. (Fena)